

臺灣生熟番紀事

臺灣番紀事

江苏工业学院图书馆
藏书章

熟



序

自曼倩有畢方之辨同朝賊為叛聞會宗綴行役之
吟史氏歎其閎識遐覽所逮勝遊斯傳曉墀黃臧素
挺嫩才雅負遠抱長征閩嶠奉公瀛郡乘查乎天表
酌酒乎海會鐵綫橋畔高歌則劒槩交橫紅毛樓頭
博辯則刁斗互奮積日既久采風殆徧是用紀載藉
資徵攷審程記里寔仿地志尋俗識怪特殊齊諧軍
國據其偉畧湖山壯其豪氣信乎發皇耳目被飾才
藻矣方今西彝抗順東都經武鯢身紆鬱陰瘴晨晦

鹿耳嶮陵烽煙夕驚火艦揚波飛馳龍螭之窟天戈
浴日稽破羈罷之軍仄席旁求長纓爭請君其更罄
心畫翊成膚功奪得崑崙奔走張鎰之譙刻以金石
揄歆平蔡之勛梟性克馴蠻化待治濟世有具酬知
非偶庶幾疆臺千里亶趾名賢舊蹟之遺縹囊一編
匪惟王會新圖之續

光緒十一年歲次乙酉孟夏月同邑李輔燿拜手謹
叙

周定軒夫子題辭 頃讀

曉墀先生臺灣雜記欽佩無已謹題三首

海外山川海外城援軍隔水檄縱橫袖中一策尤堪
用招集民番代戍兵

談到瀛洲客不知鷄籠鹿耳海環之何緣外國詳風
土百首西堂舊竹枝

新從閩海唱刀還臺北臺南記往還幕府昨逢余節
度地圖先問釣魚山

世愚弟周發藻頓首呈稿

臺灣生熟番紀事目錄

李觀察叙言

周定軒先生題辭

臺灣驅寇論

上岑宮保撫番稟稿

臺灣紀事畧

臺灣生番歌

臺灣熟番歌

臺灣竹枝詞

鄧彌之先生跋語

臺灣生熟番紀事

湘陰黃逢昶曉墀甫稿

男景芬正咳校字

臺灣驅寇論

臺灣枕夷夏之交四面濱海其中層巒聳翠前後相連後山為生番巢穴名曰高山番山外皆熟番所居名曰平埔番總計生熟番千百社其餘貿易耕種漳泉人居多地本膏腴物產豐饒富甲於中外為夷人窺伺垂涎非一日矣當法兵猖獗基隆滬尾鹿耳門各海口皆梗塞我軍駐臺雖猛力前驅其勢或有所

不敵渡臺救應其容緩哉雖然臨時募勇不習海戰
縱有大隊兵輪恐敵人藏魚雷於海底未及登岸即
被轟燬將捐軀不足以報國反致有損國威查乾隆
嘉慶道光年間朱一貴林爽文蔡牽朱潰等侵犯臺
疆所為勦滅驅逐者皆借土勇社番之力臺多煙瘴
地尤險阻鴟音舛舌言語不通又不合水土行之路
難實為所苦即承平無事官軍駐防傷亡不少一旦
交鋒對壘能保全軍無恙乎惟漳泉飄海之舟乘風
潮而入著名海口雖塞其間小港尚多土人素所經

歷而且民風强悍番性尤剛所好者紅布鹽酒以此
獎勵遂踴躍從公該處富紳家貲數萬至數十萬者
又多急公仗義夙負幹練之才如臺北林時甫黃紹
芳周振東臺南林蔭堂張縉雲林汝梅張春華林儀
卿等皆能助軍餉舉義旗招集民番力圖驅逐一紓
國難一保身家義固有不吝辭者特非諭令則其權
莫假即其勢不行務期 大帥主持謹遵

上諭督師駐紮漳泉聯絡紳士士勇設計渡臺暗結臺民
向前猛撲而以官軍助之不增兵不籌餉以拙勝巧

以逸待勞斯驅寇之計得焉矣

上岑宮保撫番稟稿

為安邊綏遠和眾豐財以廣招徠而增賦稅事竊惟
用兵之道固宜因利乘機制敵之方尤貴隨時應變
逢租渡臺日久民物關懷地方情形頗為熟悉查臺
北府南離城四十里大地名南勢兼連粗坑新田火
燒樟等處陸程三十里至基隆九十里至宜蘭一百
二十里至蘇澳水程五十里至臺北七十五里出大
海該處多出木料遍山種靛栽茶物產豐饒生生不

息前此多資度活近來莫慶安全其故因官軍駐臺
威振海疆生番不敢猖獗邇年防務稍鬆番衆毫無
忌憚燬民房斃民命滋擾情形不堪言狀居民求救
地方官不遣一師駐防追剿該處離城不遠兼屬要
區若不痛除必貽後患逢昶雖屬儒生畧知武備敢
請招募壯丁五百名為追剿實則撫綏擇要駐防致
令梗頑向化且番主我客要在先探虛實番守我勞
亦須畧用機謀欲剿不剿可撫則撫剿必使知畏撫
則必使知恩並懇

頒發關防以昭信允軍裝火藥准其請領營規營制俾
有遵循如軍餉不敷該地紳士願設釐卡抽費彌補
一則輿情安堵一則賦稅加增一經肅清事歸畫一
該處局面寬廣最好安人現山田遍荒一旦耕種如
前皆得隨營度活不至流落邊陲且此地招撫有方
後山尤為易辦生番以殺人為快後山番逆無一月
不傷民命即無一月不燬民房其弊皆由奸徒貪利
私造軍械火藥斟換生番土物名曰換番實助番為
虐地方官束手無策眼前殺戮置若罔聞斃命雖多

皆隱匿不報民冤莫訴民害愈深此情此景目擊心
傷有志斯世斯民者其能安坐耶果派勇丁防守揚
言勦番嚴禁換番遺妥當通司由為開導著將所換
之軍械火藥概行繳出仍以食品易之番不用銀錢
所好者紅布鹽酒將此物並懸獎格以示鼓勵番必
俯首投誠一社投誠衆社聞風嚮慕有不從命者即
將降番征逆番由此進兵庶幾後路相應該番逼窄
無路歸化當在須臾若由後山進勦層巖遠涉勢必
縻餉勞師且三面空虛進退維谷一時救援緩急不

按番逆無懼兵勇不合水土疾病尤多棄難從易以
逸待勞斯用兵之道得焉矣爰不揣冒昧敢獻芻蕘
為此稟懇

宮保大人台前察核施行深為恩便是否有當尚乞
鈞裁臨稟悚惶不勝待

命之至

批據稟軫念民艱留心時務並熟悉臺地情形募勇
駐防一面招撫事關切要大有裨於生靈俟府城
竣工准即如稟施行相期助理

臺灣生熟番輿地考略

臺疆初闢時預籌進山要道以便策應緩急南北通衢由大甲溪至新莊抵淡水北路凡三條一由淡水基隆三貂過蔭嶺抵頭圍係入山往來大路即漳人分得地界之內今由艋舺入宜蘭通行大路又一路由艋舺之大坪進林山從內山行走經大湖隘抵東勢之溪洲係泉人分得地界之內又一路由竹塹之九芎林進山經鹽菜甕玉山腳由內鹿捕出東勢之叭哩沙喃係粵人分得地界之內近年來艋舺安溪

茶販竟由大坪林內山一帶行走直出頭圍其徑甚
捷艤舫近莊人多由萬順寮六里至平林尾過溪人
九芎林開墾田園千萬頃桑麻黍稷被野盈疇

臺灣入山孔道初由東北行自淡水之八堵折入基
隆循海過深澳至三貂隆嶺入宜蘭界嗣改從東行
由暖暖三瓜仔過三貂則較由基隆而稍近矣迨開
疆時復由三瓜仔迤東南走三貂魚桁仔遠望坑過
嶺至大里簡入頭圍此即現在通衢視舊路又較近
矣然自宜蘭至艤舫計程二百餘里官程四站民壯